

常識叢書
第十一種
中國喪地史



上海中華書局印行

民國十三年二月八日發行局

常識 中國喪地史(全一冊)

◎ 定價銀四角

(外埠另加郵匯費)

編著者

衡陽謝彬

發行者

中華書局

印刷者

中華書局

印刷所

中華書局
上海澳門路

總發之所 上海福州路

分發所 各埠 中華書局

編輯大意

一 本書應國情時事之需要而編輯。歷述我國自清乾嘉以來喪失領土領海兩權之重大事實，俾國人得以明瞭領土領海之觀念，並作政治上教育上種種之參考。

一 本書所述領土領海之喪失，係就遺忘的、割讓的、誤勘的、贈與的、四點與已明訂條約有界可指者而言。其未經勘明之各邊地，則於相當處擇要附說。

一 本書因中俄會議開議在即，國人亟應瞭解其內容，故對於中俄劃界痛史，敍述特詳。

一 本書全一冊，共分十章說明。附有彩色印中國喪失領土

領海圖，以便讀者參考。

一本書根據事實直述，間着論語，意在促進讀者之愛國思想，而措詞則力避偏激。

一本書內容複雜，編輯匆促，援古證今，未能核博，還希讀者教益。

中國喪地史目錄

第一章 緒論	一
第二章 清代盛時版圖	六
第三章 本國領土之喪失	一四
第四章 藩屬領土之喪失	四二
第五章 領海及海峽之喪失	七三
第六章 軍港租借地域	七九
第七章 外國行政地域	九四
第八章 外國勢力範圍地域	一一五
第九章 中俄劃界痛史	一二四

第十章 結論

附中國喪失領土領海圖

一四五

常識
叢書

中國喪地史

第一章 緒論

中國自清代乾隆以後，政府當局，昏庸無識，喪失國權，不可勝計。他姑無論，謹就領土領海兩權之喪失，尤彰彰在人耳目者，輯成是書，以告邦人：一則知吾祖先所艱難締造之版圖，若是其廣遠，而後人莫能保有之以殖中華民族。二則明外人對吾領土領海之巧取強奪，而吾人蒙此奇恥大辱，竟若事過境遷，無關休戚。三則蘇俄允返侵地，中俄兩國屢次會議，國人對於中俄劃界痛史，應有明確瞭解，以期收回成功。我爲此言，非欲邦人奮起排外，養成一種褊狹的愛國思想，如法蘭西

人之乘歐戰奪回阿爾薩斯、勞蘭兩州；土耳其族之凱末爾將軍，用兵力恢復所有失地，日尋干戈，以仇隣國。蓋欲邦人自茲以往，胥有明瞭領土領海之觀念，具知保持領土領海之利益，起而團結民族，競事拓殖，移本部各省過剩之人民，以實滿蒙、新疆、康藏之荒野，令邊防不致空虛，內爭因而終止已爾。

再進一步言之，國人勿謂廢除一切條約，收回租界及領事裁判權與所有失地，爲事實上所不可能。日本在今三十年前，與各國所締條約，與我今日正同。逮戰勝中俄，則始盡行廢除之。更觀暹羅近事，僅以民意與公理爲武器，而亦獲得獨立。我國苟能努力，奚獨不可效暹羅之所爲耶？況今蘇俄已自行放棄，德奧以戰敗關係，亦已犧牲者乎。蓋各國壓迫中國，垂數

十年，良心實有未安，因之有華府會議之召集，惜結果未能實行耳。設我全民團結一致，向各國正式要求，此種目的，殆未有不能達到者。所可惜者，一般喪心病狂之徒，自私自利，從中橫生障礙耳。

在清季末葉，我國領土領海，喪失如是其多，從前雖由政府昏庸無能，對外著著失敗；而吾民族傳統思想之謬誤，亦當分任其咎。試取各國民族與中華民族，對於領土領海之觀念及其行動，作一比較觀察，即可知其故矣。我則開闢領土以矜武功，彼則開闢領土用爲殖民；我視藩屬祇求朝貢虛榮，彼對藩屬務期實施統治；我則禁止人民出洋，對尋獲新地或創業新地者，斥爲奸民而加以斧鉞，彼則獎勵人民出洋，有尋獲新地或

創業新地者，尊爲偉人而錫以上賞；我則向持閉關主義，罔識世界現勢，而輕棄邊地，彼則早事通商政策，順應時勢轉移，而爭攬海權；我國至光緒以後，猶存科舉陋習，地學附庸經史，彼自明朝以來，即事科學研究，地學蔚爲專科。逐爲比較，優劣判然。列強對我領土領海，羣起巧取強奪，復何足怪！傳有之曰：『兼弱攻昧，取亂侮亡。』觀我民族過去之事實，果有所不忍言者。

尤有進者，本書所述喪地，第就遺忘、割讓、勘界、贈與四點，與已明訂條約，有界可指者而言。而帕米爾高原，自烏仔別里山口至穆斯塔格嶺間，新疆與英俄屬地接壤之一大段，自穆斯塔格嶺、至貉渝野番部落，新疆一部、西藏全部及西康

一部，與克什米爾、廓爾喀、尼泊爾、布魯克巴（不丹）、阿薩密及緬甸交界之一大段，（此段僅哲孟雄與西藏一小部分，有中英印藏條約，明定國界。）及雲南自北緯二十五度以北，至貉彌野番接西康處，與自南丁河入潞江口至南板江與緬甸接界之兩小段，則皆未有條約之標明，亦未聞有牌博之分割。我國所謂國界，非在冰河雪海，即屬密林深箐，其間喪地無從明瞭。倘得探險大家，由帕米爾高原，趨克什米爾之途，赴廓爾喀、布魯克巴之國，走阿薩密、緬甸之邊，詳詢中外疆界所在，則沿途土著番民，必能明指某某山口何屬，某某嶺脊何屬，而歷史與習慣上之國界，或者釐然可辨，不致如今日之在悶葫蘆也。方今大地有人滿之憂，強國勵殖民之策，荒漠冰島，寶

若腴田，則茲未經勘明各邊，未始不可視爲樂郊樂國也。然則實行測勘，標明界址，置牌堆博，編戶屬民，自更不容緩矣。

第二章 清代盛時版圖

中國開疆拓土，以漢唐元清四代，最稱極盛。漢逐匈奴平南越及西南夷，又通西域，開朝鮮，已併有今之漢滿蒙回各部。唐代版圖東至於海，西逾葱嶺，南盡林州，北被大漠。元則拓地愈遠，除今北亞細亞之北部，南亞細亞之南部而外，莫不皆爲屬土；並且遠跨東歐，置亭列戍，其領域之廣遠。實視清季盛時有加。而愚此篇祇舉清季盛時版圖者，則有兩大理由：其一、民國承繼之版圖，直接於清季最後所有，今猶毫無變更；其二、今之漢滿蒙回藏各部，實際統一，實完成於清代，元

於回藏，不過羈縻而已。

清以女真部落，奮起滿洲，入關以後，明祚遂移。中經順治康熙雍正乾隆四朝，力征經營，疆宇日闢，統計盛時幅員，東亞細亞、中亞細亞兩部，固屬完全領有；卽西亞細亞、南亞細亞大部分，亦皆藩邦羅列；頃海所及，更綴綴乎東臨太平洋，西聯印度洋焉。茲分爲本國、藩屬、領海三部，表列如左：

(甲) 本國各部位置及面積表：

地名	位置	面積
本部十八省	亞洲東部	一四、五六〇、〇〇〇方里
滿洲 <small>連島</small>	本部東北境	三、六〇〇、〇〇〇
蒙古		
本部北境		八、九五二、〇〇〇

新疆	本部西北境	三、七一六、〇〇〇
青海	本部西境	一、九六〇、〇〇〇
西藏	本部西南境	三、〇〇〇、〇〇〇
臺灣	本部東南海島	一三〇、〇〇〇
	面積合計	三五、九一八、〇〇〇
	(乙) 藩屬各部位置面積及內附時期表：	
地名	位置	面積
琉球	東海中	五〇、〇〇〇
蘇祿	南洋羣島中	三〇、〇〇〇
朝鮮	黃海東岸	八〇〇、〇〇〇
安南(即越南)	印度支那半島	一、三六〇、〇〇〇

五歷代始皆隸版圖

暹羅	同上	三、〇四〇、〇〇〇	元代
南掌	同上	一七〇、〇〇〇	明初
緬甸	同上	一、四八〇、〇〇〇	元代
布魯克巴	丹即不	一二〇、〇〇〇	清乾隆元年
哲孟雄	喜馬拉雅山南	一〇〇、〇〇〇	清康熙五十九年
廓爾喀	泊爾尼	三三〇、〇〇〇	清乾隆二十九年
乾竺特	互即坎	九三〇、〇〇〇	清乾隆三十四年
博羅爾	米爾帕	二七〇、〇〇〇	清乾隆三十七年
巴達克山	同上	三一〇、〇〇〇	同上
阿富汗	伊蘭高原	一、八六六、〇〇〇	清乾隆二十七年
布哈爾	西土耳其斯坦	三、〇七〇、二〇〇	清乾隆二十九年

浩罕

同上

九二〇、〇〇〇

清乾隆二十四年

哈薩克

同上

三、三六〇、〇〇〇

清乾隆二十二年

布魯特

同上

四〇〇、〇〇〇

同上

面積合計 一七、六七五、二〇〇方里

(丙) 領海及海峽位置形勢表：

名稱

位 置

形 勢

鄂霍次克海

介於庫頁島千島及堪察加半島之間

我國與俄共存之

日本海

介於吉林省朝鮮半島與日本三島之間

我國與日本共存之

黃海

介於遼寧山東江蘇半島與日本半島之間

爲我國所獨有

渤海

在遼東半島山東半島環抱之內

爲我國所獨有

東海

介於江蘇南部浙江福建之南

幾爲我國所獨有

南海

幾爲我國所獨有

(天)

孟加拉海

在孟加拉灣介於印度與緬甸之間

韓靼海峽

在庫頁島與黑龍江口之間

宗谷海峽

在庫頁島與日本北海道之間

朝鮮海峽

在朝鮮半島與日本九州島之間

渤海海峽

在山東半島與東半島之間

臺灣海峽

在臺灣島與福建省之間

巴士海峽

在臺灣島與呂宋島之間

瓊州海峽

在瓊州島與雷州半島之間

麻刺甲海峽

在馬來半島與蘇門答臘島之間

綜上三表觀之：中國是時領土領海之廣大，實冠並世列邦